

ततः प्रविशति काञ्चनमाला ।

काञ्चनमाला । सोत्प्राप्तम् । साङ्ग रे वसतश्च साङ्ग । अदिसइदो तए अमच्चजोअंधराअणो
इमाए संधिविग्गहचिन्ताए ।

मदनिका । उपसृत्य सस्मितम् । कृला कञ्चणमाले । किं अज्जवसत्तएण कदं जेण सो
5 एव्वं सलाहीअदि ।

काञ्चनमाला । कृला मअणिए । किं तुह एदिणा पुच्छिदेण पओअणं । ण तुमं इमं
रहस्सं रक्खिडुं पारेसि ।

मदनिका । सवामि देवीए चरणेहिं जइ कस्सवि पुरदो पओसेमि ।

काञ्चनमाला । जइ एव्वं ता सुण । अज्जक्खु मए राम्भउलादो पडिणिवत्तत्तीए चित्तसा-
10 लिअाडुवारे अज्जवसत्तअस्स सुसंगदाए समं आलावो सुदो ।

मदनिका । सकौतुकम् । सहि । कीदिसो ।

काञ्चनमाला । जधा । सुसंगदे । णक्खु साम्भरिअं वज्जिअ पिअवअस्सस्स किं पि अस्स-
त्थदाए कारणं । ता चित्तेहि एत्थ पडिअारं ति ।

मदनिका । तदो सुसंगदाए किं भणिदं ।

15 काञ्चनमाला । एव्वं भणिदं । अज्जक्खु देवीए चित्तफलअवुत्तत्तसङ्किदाए साम्भरिअं र-
क्खिडुं मम कृत्थे समप्पअत्तीए जं णेवत्थं मे पसादीकदं तेणज्जेव्व विरइदेवीवेसं साम्भ-
रिअं गेण्हिअ अहं पि कञ्चणमालावेसधारिणी भविअ पदोसे इध आगमिस्सं । तुमं पि
चित्तसालिअाडुवारे मं पडिवालइस्ससि । तदो माहवीलदामएउवे ताए सह भट्टिणो संगमो
भविस्सदित्ति ।

20 मदनिका । कदासा तुमं सुसंगदे जा एव्वं परिअणवच्छलं देविं वच्चेसि ।

काञ्चनमाला । कृला । तुमं दाणिं कहिं पट्टिदा ।

मदनिका । अस्सत्थसरीरस्स भट्टिणो कुसलवुत्तत्तं जाणिडुं गदा तुमं चिरअसित्ति उ-
त्तम्मत्तीए देवीए पेसिदम्हि ।

काञ्चनमाला । अदिउज्जुआ दाणिं देवी जा एव्वं पत्तिआअदि । परिकम्पावलोक्य च ।
25 एसोक्खु भट्टा अस्सत्थदामिसेण अत्तणो मअणावत्थं पच्छादअत्तो दत्ततोरणवउभीए उव-
विट्ठो चिट्ठदि । ता एहि । एदं वुत्तत्तं भट्टिणीए णिवेदेम्ह ।

इति निष्क्रान्ते ।

इति प्रवेशकः ।

ततः प्रविशति मदनावस्थां नाट्यनुपविष्टो राजा ।

30 राजा । निःश्वस्य ।